

PRASANGKA DAN DISKRIMINASI (Part 8)

Izwyn Binti Zulkapri, Khalifah Mastura Binti Hassan & Nurul Sa'adah Binti Sabdin

MASYARAKAT UMUM

Menurut Erich Fromm, masyarakat yang sihat adalah masyarakat yang membiarkan anggota-anggotanya mengembangkan cinta satu sama lain. Sedangkan masyarakat yang sakit menciptakan permusuhan, kecurigaan, dan saling tidak percaya di antara anggota-anggotanya (Schultz, 1991). Sama seperti Fromm, J.E. Prawitasari dalam pidato pengukuhan Guru Besar di fakulti Psikologi UGM tahun 2003, menyampaikan bahawa kriteria masyarakat yang sihat secara sosiopsikologi di antaranya adalah bila masyarakat mampu bercinta, iaitu mampu menggunakan cinta kasihnya untuk menumbuhkan perdamaian di antara sesama manusia. Kriteria sihat lainnya adalah bila masyarakat mampu bekerja, mampu belajar dan mampu bermain bersama-sama.

Isu terpenting yang perlu dibahas di sini tentang prasangka dan diskriminasi adalah *stereotyping*., iaitu suatu kecenderungan untuk mengidentifikasi dan mengeneralisasi setiap individu, benda dan sebagainya ke dalam kategori-kategori yang sudah dikenal. Sehingga hari ini kita masih menghadapi persoalan asli versus pendatang, walaupun sebagian dari kita sudah berbicara tentang kewarganegaraan, tentang hak-hak yang sama dari setiap warganegara.

Diskriminasi ras iaitu individu diberi layanan yang tidak adil berdasarkan ras yang diwakili mereka. Pekerja di sektor swasta kebanyakannya berketurunan Cina sahaja di mana para majikan syarikat swasta yang dikuasai oleh kaum Cina di negara ini (Malaysia) mengenakan syarat penguasaan bahasa Mandarin untuk melantik individu mengisi jawatan kosong di syarikat mereka. Gejala ini sepatutnya tidak timbul lagi seandainya para majikan Cina sedia mempunyai nilai tatasusila hubungan baik antara kaum dan menolak sebarang amalan diskriminasi.

Walaupun dunia perniagaan di negara kita didominasi oleh satu kaum, itu tidak bermakna majikan boleh mengamalkan diskriminasi dalam pengambilan pekerja hingga mewujudkan kadar pengangguran yang tinggi di kalangan kaum lain. Namun begitu, jika

diambil bekerja, peluang menjawat jawatan tinggi untuk kaum Melayu, India dan lain-lain perlu juga diambil kira. Bukan sekadar cukup syarat kuota dan memperlal mereka bagi mendapat projek dan tender kerajaan.

Sesungguhnya negara ini memberi tempat kepada semua kaum untuk mencari rezeki dan hidup aman. Oleh itu, kita harus sentiasa menjaga sensitiviti antara kaum walau dalam apa keadaan sekalipun. Ini kerana tanpa perpaduan antara kaum, negara yang aman, makmur dan maju tidak akan dapat dicapai.